

Održan upravni odbor CILAP projekta

02.02.2022 15:46



U Banja Luci je 02.02.2022. godine održan redovni godišnji sastanak Upravnog odbora projekta „Izgradnja kapaciteta za unapređenje zemljišne administracije i procedura u Bosni i Hercegovini“ – CILAP.

Sjednici Upravnog odbora se ovom prilikom pridružila i ambasadorica Kraljevine Švedske u Bosni i Hercegovini, gđa Johana Stromkvist koja je ovom prilikom pozdravila prisutne učesnike i naglasila zadovoljstvo kontinuirane Švedske donatorske podrške sektoru zemljišne administracije u BiH. Veleposlanica Stromkvist podržala je i mogućnost buduće podrške u skladu sa nedavno usvojenom Strategijom Kraljevine Švedske za podršku reformama na Balkanu 2021.- 2027. godine.

Na sjednici Upravnog odbora su učestvovali:

- Anders Lundquist, zamjenik direktora Lantmäteriet-a
- Željko Obradović, direktor Federalne uprave za geodetske i imovinsko-pravne poslove
- Dragan Stanković, vršilac dužnosti direktora uprave za geodetske i imovinsko-pravne poslove RS
- Andja Zimić, direktorica CILAP projekta
- Mikael Lilje, rukovodilac Odjeljenja za međunarodne usluge, Lantmäteriet
- Eva Gibson Smedberg, predstavnik Ambasade Kraljevine Švedske
- Nedim Bukvić, predstavnik SIDA-e
- Denis Tabučić, pomoćnik direktora Federalne uprave za geodetske i imovinsko-pravne poslove
- Jasenka Nedinić, pomoćnik direktora uprave za geodetske i imovinsko-pravne poslove RS

Na sastanku upravnog odbora je razmatran i usvojen izvještaj o radu i napretku za 2021. godinu, kao i plan aktivnosti za tekuću 2022. godinu koja je ujedno i završna.

Tokom sastanka Upravnog odbora su razmatrani i planovi za buduću saradnju i podršku sektoru zemljišne administracije u Bosni i Hercegovini, obzirom na usvojenu Strategiju Kraljevine Švedske za podršku reformama na Balkanu 2021.- 2027. godine.

Svi učesnici sastanka su izrazili zadovoljstvo dosadašnjom implementacijom i rezultatima donatorskog projekta i zaključili da je podrška koju ovaj i slični projekti pružaju izuzetno važni ne samo za razvoj geodetskih uprava kao neposrednih korisnika, nego i za ukupno unapređenje sistema zemljišne administracije u BiH. Aktivnosti projekta doprinose ekonomskom i socijalnom razvoju, održivom tržištu nekretnina, održivom korištenju zemljišta i pristupanju EU-u, što predstavlja opće razvojne ciljeve projekta.